

臨時公報

臨時公報 第二輯

出版 江蘇人民出版社

發行 揚州古籍書店

印刷 江蘇廣陵古籍刻印社

出版日期 一九八二年二月第一版第二次印刷

書號 一一〇・〇五九

定價 三十三元整

大中華民國元年四月二十一日
壬子年三月初五日
星期日

臨時公報

發行所
北京東長安牌樓王府井大街
電話東局二百零一號

目錄

命令

電報

批呈

公啟

奉命令

臨時大總統令

任命貢桑諾爾布爲正白旗滿洲都統此令

中華民國元年四月二十日即壬子年三月初四日大總統蓋印

臨時大總統令

任命卞寶惠爲鎮黃旗漢軍副都統此令

中華民國元年四月二十日即壬子年三月初四日大總統蓋印

臨時大總統令

山東登州鎮總兵葉長盛著來京另有差遣任命鄧際昌暫署登州鎮總兵此令

中華民國元年四月二十日即壬子年三月初四日大總統蓋印

臨時大總統令

任命李奎元爲甘肅河州鎮總兵此令

中華民國元年四月二十日即壬子年三月初四日大總統蓋印

時公

二月二十一日

電報

上海程都督陳莅任後用人行政辦法電 陽曆四月十八日即壬子三月初二日

德全因病辭職將爲歐美之遊行李成途忽奉任命不勝悚惕民國肇建已歷半載建設之艱難因應之困苦匪惟當局知之抑亦人所共喻總統及當事諸君子既諄諄責望又聞莊都督積憂成疾求去至迫德全若復遑巡卻顧或務中乞己意先以遠謝爲要求之地亦非開誠見心之道無已則有一言以當息壤吾總統暨江蘇人民之屬望於德全將以求有濟於事也德全扶疾受命舉一切死生禍福之觀念而犧牲之亦將求有濟於事也既求有濟卽不容辭疾而忘醫吾民知專制之痛苦矣抑知官與民謬託於共和發官盈庭多方牽制釀成一事不能辦一人不能用之狀況其痛苦乃倍烈於專制夫革命而建共和將欲致幸福於吾民也江蘇自光復以來人民未嘗享一日之樂利爾先受無窮之痛苦追溯其源皆由德全始事之時既責不減貽此重戾今日重莅斯邦獲補過之餘地首宜以恢復秩序爲唯一之方針一面求教育普及養成人民自治資格以期臻乎共和國民自治之程度其在今日共和程度幼稚毋庸諱言若徒慕虛名或以美國成績爲準繩或以法國政風相習責舉凡不彙之務一一促以見諸施行地方之財力既絀不勝人民之知識相距更遠況又際此恐慌紛擾之時代有不慎敗宜見者乎德全我居無能時自銳懼然用一人行一政斷不敢稍越乎法律之外所願江蘇父老子弟察其求濟於事之微忱寬其責備俾一切用人行政得有從容措手之地其有謬誤則

執法以隨其後庶幾無負我大總統委任之重及江蘇人士屬望之隆區區愚忱尙希諒鑒
總全錄印

開封省議會報告臨時省議會成立電 民國四年二月十一日即壬子三月初一日

河南臨時省議會於本月十五日成立舉定楊君源懋爲議長王君傑張君嘉爲副議長諸議
局名義卽於是日消滅所有兩電文告請此後逕寄本會爲要此布卽省議會卽論印

開封張都督報告選定議員分催入都電 民國四年二月十八日即壬子三月初二日

河南省議會已於今日選定參議院議員五人計劉積學杜澐陳景南阮慶綱孫毓楨劉陳在
運杜前日赴京在汴已分電催其入都矣饒芳稟治印

奉批 呈

署直隸都督張錫鑾呈請浚汛安瀾並請趕辦修守以禦伏秋汛漲文

爲呈報事據署永定河道潘煥鼎稟稱竊職道於 月二十四日到任正值浚汛喫緊之際業經
督前道延馨先期派委廳汛文武員弁駐工安慎防守並將冰泮日期及派委文武員弁分駐
要工銜名清單先後呈報等核各在案伏查本屆承上年大工之後新工新增添防範尤宜
加慎隨即親詣工次督同防護乃河水於次增長溜深之處自七八尺至一丈二三尺不等勢
極洶湧各汛紛紛報險職道往來河干逐段分查南岸如南上之十三十六十七號南下之四
號南二之十五號南三之八九號十八九號北二上之六號北三之六號北四上之二號北五
之頭號各工或河流坐灣橫河頂衝坍塌近堤或溜勢側注埽段垂危或陡盤入水甚有險
隨量之處情形均極險要均經職道督率廳汛文武員弁齊集兵夫動用儲工料物不分晝夜
竭力搶鑣並用麻袋裝土沈壓添埽相度機宜設法保護一律化險爲平現已節屆清明據各
廳呈報於四月初五日即壬子年二月十八日全河冰凌融化盡淨水勢漸消蘆溝橋現存底
水深八尺兩岸堤埽各工悉臻平穩具報浚汛安瀾前來除仍督飭廳汛員弁加意巡防並將
歲修防守事宜竭力趕辦以禦伏秋汛漲外所有浚汛安瀾緣由理合稟請查核轉報等情據
此除飭將修守事宜認真趕辦以禦伏秋汛漲外理合呈報

大總統謹請察核

批據呈已悉此批

中華民國元年四月十九日即壬子年三月初三日

東三省都督趙爾巽呈請以彭毅孫護理奉天提法使等文

爲呈報事竊照正任奉天高等審判廳廳丞潘鴻賓曾委署理奉天提法司使未及到任卽溘赴京都備充顧問查有調奉補用道彭毅孫從前在奉多年熟諳法學兼委署理高等審判廳廳丞承飭暫行護理提法司業務其前署高等廳承兼提法司正任高等檢察長汪世杰卽飭回高等檢察長本任以便各專職守除繳飭遵照外理合呈報
大總統鑒核飭部備案施行

批據呈已悉交該部備案此批

中華民國元年四月十九日即壬子年三月初三日

東三省都督趙爾巽等呈請以談國樞充臨時顧問員以備諮詢文

爲呈請事竊維國體初更百端待理鈞政府締造維艱自必親全國之情勢以謀政策之統一惟是吾國之大腹地邊陲情形各有不同所有地方組織有不得不因地因時權其輕重緩急而有普通政策與特別政策之殊若江省僻居東北既險且黃外則與俄爲鄰內則爲蒙疆處又復中貫東清鐵路國防之重要治理之艱難早在鈞政府洞鑒將來親覽政策自必另有特別制度然新舊遞更以開爲革亦宜有熟悉邊情者上備鈞政府之顧問俾得陳述機略以定政治方針茲查有趙煥度支司使談國樞在江年久熟悉一切情形用特呈令前來充臨時顧問員並請鈞政府轉行各部如有詢問之處卽令該員隨時陳說以資採擇而便接洽除飭該員遵照並分行外理合備文呈請鈞政府鑒核施行
批據呈已悉交該衙門查照此批

中華民國元年四月十九日 壬子年三月初三日

署山東都督余則達呈請以丁道津等調署布政司等缺文

爲呈報事竊照則達前在署布政司任內接奉

大總統電令任命署理山東都督等因遵於四月初一日接印任事呈報在案所遺布政使一

缺查現署提法使丁道津堪以調署提法使一缺查現署濟東泰武臨道何澍堪以調署通遠

濟東道一缺查有缺補道員陳公亮堪以署理除分飭遵照外理合具文呈請

大總統鑒核施行

批據呈已悉交該衙門備案此批

中華民國元年四月十九日即壬子年三月初三日

署熱河都統道源呈報熱河官銀號宣統三年生息獲利開除實在各數目文

爲呈報事竊查熱河官銀號經前都統廷杰於光緒三十二年十月奏准開辦截至宣統二年

年底止所有歷年盤查情形業經奏在案茲查宣統三年正月起到十二月止又屆一年所

有出入帳目及年滿獲利若干自應照章派員盤查以重公款當經派委候補知縣孫廷弼盤

查去後茲據該員以會同該號總辦執事人等檢齊帳目彙報分別外放內存開除實在四項

按款鈎稽逐一盤會計宣統三年全年十個月交易生息共獲利銀一萬二千三百十九兩

零四分除辛工酬送日用房租並雜項等款共銀六千三百十九兩零四分實獲餘利銀六千

兩擬請照章先提一成銀六百兩作爲公積其餘分作十成以七成銀一千七百八十兩歸還

官本另款存庫以一成銀一千六百二十兩作爲獎勵等情稟覆前來本都統覆核無異除咨

度支部農工商部外理合開單呈報
大總統鑒核施行謹呈

謹將熱河官銀號自宣統三年正月起到年底止獲利開支數目開單呈報查核計開
成本項下 原領實額撥銀七萬六千一百四十六兩零七分 光緒三十四年分一成公積銀
六百兩宣統元年分一成公積銀六百五十兩宣統二年分一成公積銀六百兩 餘利項下
獲利銀一萬二千三百十九兩零四分 開除項下 辛工酬送日用房租並雜項等銀大
千三百十九兩零四分 提還官本七成銀三千七百八十兩 總理執事人等三成花紅銀
一千六百二十兩 實存項下 成本銀七萬六千一百四十六兩零七分光緒三十四年分
一成公積銀六百兩宣統元年分一成公積銀六百五十兩宣統二年分一成公積銀六百兩
宣統三年分一成公積銀六百兩

批據呈已悉交該部查照此批

中華民國元年四月十九日即壬子年三月初三日

辦公啓

四月二十日奉

大總統臨時籌備處應卽裁撤等因此啓

臨時籌備處啟

原 缺

大中華民國元年四月二十二日
壬子年三月初六日
星期一

臨時公報

發行所

北京東長安牌樓王府井大街
電話東局二百零一號

目錄

命令

批呈

報告

命令

臨時大總統令

現在國務院業經成立在京原有各部事務應即分別交替由各部總長接收辦理此令

中華民國元年四月二十一日即壬子年三月初五日

大總統蓋印 國務總理唐紹儀署外交總長胡惟德內務總長趙秉鈞理財總長熊希齡

軍總長段祺瑞海軍總長劉冠雄教育總長蔡元培司法總長王寵惠農林總長宋教仁工

商總長陳其美交通總長施肇基署名

臨時大總統令

現在五族共和凡蒙藏回疆各地方同爲我中華民國領土則蒙藏回疆各民族即同爲我中華民國國民自不龍如帝政時代再有藩屬名稱此後蒙藏回疆等處自應通籌規畫以謀內政之統一而冀民族之大同民國政府於理藩不設專部原係視蒙藏回疆與內地各省平等將來各該地方一切政治俱屬內務行政範圍現在統一政府業已成立其理藩部事務著即歸併內務部接管其隸於各部之事仍劃歸各部管理在地方制度未經劃一規定以前蒙藏回疆應辦事宜均各仍照向例辦理此令

中華民國元年四月二十一日即壬子年三月初五日

大總統蓋印 國務總理唐紹儀署外交總長胡惟德內務總長趙秉鈞理財總長熊希齡